


URATORE



MBREMESORJA

Dera e Bukur hapet. Pifti qendrón perpara Alltarit me Temjanicen, dhe Dhjaku me nje qiri ne dore.

DHJAKU: Bekó, o Ate.

PRIFTI: Lavdí Trinise se shenjte, se bashkeqénshime, jetebérese dhe se pandare, gjithenjé, taní e perhere dhe ne jetet e jéteve.

KORI: Amín.

Pifti temjanís Kishen dhe pópullin, kur kendohet Psalmi Nistór, dhe passi mbarón se temjanísuri, qendrón perpara Deres se Bukur, dhe kendón me ze te unjur Urimet e Drites.

KENDONJESI: Ejani ti fálemi dhe ti pergjúnjemi Krishtit, Perendíse dhe Mbretit tone (3 here).

PSALMI 104.

Bekó Zotin, o shpirti im; o Zot, o Perendia im, je fort i math.

Je veshur me nder e madheshtí; je mbuluar me driten si me robe.

E ke shtrire qellin posi kurtine; i ke ndertuar keshtjellat ner újerat.

Ke hipur mi retë si në qerë, dhe fluturón mi fletët e erës.

Frymet janë Engjëjt' e tu, flaga dhe zjarri janë shërbetoret e tu.

E themelove dhënë, që të mos tundet kurre.

E ke mbuluar me detin si me robë; i ke përhapur újërát nëper malet.

I qertove, dhe ikne; u buçite, dhe u-larguan me nxitim.

Hipne nër malet, edhe zbritne nër fushat, në vendin, që u ke caktuar.

U ke vënë kufi, që të mos e kapërcejnë, dhe të mos derdhen, dhe të mos e mbytin token.

I ke leshuar burimet, që rjedhin tatepjete brìgjeve nër perrenjte.

Ató u japin ujë bagetive të fushës, edhe u shúajnë etjen úsheve të egrë.

Pranë tyre banojnë shpeshet e qellit, edhe këndojnë midis dégeve.

I ke vaditur brigjet me shirat; e ke zbukuruar dhënë me pemët e dúarve të tua.

E ke bërë barin të mbinjë për bagetinë; dhe lëndinen për shërbimin e njëresve.

Dhe drithen për të ushqyer njerinë; dhe verën, që gëzón zemrën e njeriut.

Dhe vajin, që i ndrit fytyrën; dhe buken, që i forcón trupin.

I ke mbjellur, dhe i ke ngritur përpjete drurët edhe dellinjat e Libanit, o Zot.

Atjë kanë folët' e tyre shpesh; atjë, në bre-

dhat, e ka banesën stergu.

Atjë, në malet e lartë, ngjiten dhit' e égërë, dhe lëpurat fshihen nëper gurishtat.

Ke bërë hënë për stinat, edhe ke caktuar përendimin e diellit.

Leshón erresirën, edhe bëhet natë; edhe dalin, e shetit in egersirat e pyllit.

Kelýshet e luáneve ulerijnë, dyke kërkuar dhe dyke këmbyer ushqimin e tyre.

Len dielli, ató hiqen mënjancë, dhe bien, e flenë në shtrofkat e tyre.

Njeriu shkon në punën dhe mundimin e tij gjer mëbrémanë.

Sa të mëdhá janë veprat e tua, o Zot; të gjitha i ke bërë me urtesí; dheu është plot me pasurít' e tua.

Ja deti i math e i gjërë; atjë ka shtrëpënj pa numer, shtaza të vogla dhe të mëdhá.

Atjë shkojnë lundra; atjë, përbrenda vâlave, lot Leviathani, që ke krijuar.

Të gjitha këtë e presin ushqimin prej teje në kohën e duhur; atë, që u jep, e mbledhin.

Ti e hap dorën, ató nginjen me të mira; ti e kthen faqen mënjancë, ató perzihen.

Ti u merr frymen, ató vdesin, edhe kthehen në pluhurin e tyre.

Ti u dërgón frymen, ató ngjallen, edhe faqja e dheut përcitet.

Lavdi' e Zotit do të vazhdonjë për jetë; Zoti do të gëzohet për veprat e tij.

Dheu dridhet, kur i shtie syrin; malet leshojnë tym, kur i prek me dorë.

Do ta këndonj Zotin sa të rronj, do ta lavderonj Perëndinë sa të jem.

Do ta kujtonj Zotin me mall, dhe do të ngazellohem me Zotin.

U-shofshin mekatarët nga faq' e dheut, edhe të paudhet mos qofshin më. Bekó Zotin, o shpirti im.

Ke caktuar perëndimin e diellit; leshón erresirën, edhe bëhet natë.

Sa të mëdhá janë veprat e tua, o Zot; të gjitha i ke bërë me urtesí.

Lavdí Atit e Birit edhe Shpirtit Shenjt, taní e përherë dhe në jetet e jéteve. Amín. Alilluja, alilluja, alilluja, lavdí me ty, o Perëndí (3 here). O Zot, o shpresa jone, lavdí me ty.

Passi mbarohet Psalmi 104, i cili quhet Psalmi Nistór, Dhjaku del nga Alltari, qendrón përpara Kores së Krishtit, edhe thote Litaninë e Madhe:

DHJAKU: Më paqe le ti lútemi Zotit.

KORI: Meshiró, o Zot.

DHJAKU: Për paqen që lartazi dhe për shpëtimin e shpërtheve tona, le ti lútemi Zotit.

KORI: Meshiró, o Zot.

DHJAKU: Për paqen e tërë botës, për mirevajtjen e Kísheve të shenjta të Perëndisë dhe për bashkimin e të gjithëve, le ti lútemi Zotit.

KORI: Meshiró, o Zot.

DHJAKU: Për këtë Kishë të shenjta dhe për atá, që hyjnë këtu me besë, devotese dhe frikë Perëndie, le ti lútemi Zotit.

KORI: Meshiró, o Zot.

DHJAKU: Për Kryepeshkopin tonë (*aksh*), për priftërinë dhe dhjakërin' e nderuar me Krishtin, për tërë klerin dhe pópullin, le ti lútemi Zotit.

KORI: Meshiró, o Zot.

DHJAKU: Për Presidentin e Shtëteve të Bashkuara të Amerikës, për ushtërinë dhe aniesinë amerikane, le ti lútemi Zotit.

KORI: Meshiró, o Zot.

DHJAKU: Që të leiftonjë bashkë me të, dhe të përmbysë nënë kembet e tij çdo armik dhe kundërshtar, le ti lútemi Zotit.

KORI: Meshiró, o Zot.

DHJAKU: Për këtë qytét (*a Manastír*) të shenjta, për çdo qytét e për çdo vent edhe për barnoret e tyre me besë, le ti lútemi Zotit.

KORI: Meshiró, o Zot.

DHJAKU: Për butesín' e ércëve, për plotesín' e pémeve të dheut, edhe për paqesín' e kóheve, le ti lútemi Zotit.

KORI: Meshiró, o Zot.

DHJAKU: Për lundrezónjesit, për udhetónjesit, për të smuret, për vúajtësit, për róberit edhe për shpëtimin e tyre, le ti lútemi Zotit.

KORI: Meshiró, o Zot.

DHJAKU: Qe te shpetojme prej çdo hidherimi, merie, reziku dhe nevoje, le ti lútemi Zotit.

KORI: Meshiró, o Zot.

DHJAKU: Perkraha, shpetona, meshirona dhe rúajna, o Perendí, me hirin tent.

KORI: Meshiró, o Zot.

DHJAKU: Tereshenjten, te pacinúaren, te permibekúaren, te lavderúaren, Kryezonjen tone, Hyjlíndesen dhe gjithenjé Virgjreshen Marí dyke kujtuar me gjithë Shenjtoret, veten tone dhe njerjatrín dhe tere jeten tone Krishtit Perendí le tja pranojme.

KORI: Ty, o Zot.

PRIFTI: Se ty te ka hie çdo lavdí, nder e adhurím, Atit e Birit edhe Shpirtit Shenjt, taní e perhere dhe ne jetet e jéteve.

KORI: Amín.

Pastáj kendohen te gjashte Psalmet e pare:

PSALMI 1.

Lum aý njerí, qe nuke vete ne keshillen e te paúdheve, qe nuke qendron ne udhen e mekatáreve, dhe nuke rri ne fronin e madheshtóreve, po ka ne zemer dhe ne mendje ligjen e Zotit nat' e dite. Aý do te jete si nje lis, i mbjellur anes ujit te lumit, qe siell peme ne stinen e tij, dhe qe nuk i thahet fleta, dhe çdo gjë, qe te benje, do ti veje mbarë. Po te paudhet jo. Atá do te jene si kashta, qe e fryn era tutje. Perandáj te paudhet edhe meka-

taret nuke do te qendrojne dot ne gjykatoren dhe ne mbledhjen e te dréjteve. Sepse Zoti njuh udhen e te dréjteve, po udha e te paúdheve do te humbase.

PSALMI 2.

Persé u-terbuan paganet, edhe persé pópujte mejtojne kotesira? Mbréterit edhe kreret e dheut u-mblohne, dhe u-keshilluan kunder Zotit edhe kunder Krishtit te tij, dyke thene: Le ti thýejme vargonjte, dhe le ti hedhim tutje litaret, me te cilat na kane lidhur. Aý, qe rri ne qell, do te qeshe, Zoti do te tallet me tá. Ahere do tu flase i zemeruar, dhe do ti qertonje i egersuar. E kam vendosur mbretin tim ne bregun e Siones se shenjte. Do ta çpall dekretin, se Zoti me ka thene: Ti je im Bir, une te kam lindur sot. Lyp-me, dhe do te jap paganet per trashegím edhe anet mé te larkme te dheut per zoterím. Do ti thyesh me shkop te hékurte, do ti dermósh posi ene tjegullari. Pra, mblídhni mendjen, o mbreter; béhuni te urte, o gjykates te dheut. Sherbéjini Zotit me frike, dhe gezóhuni me perunjési. Pershendósheni Birin qe te mos zemerohet, se posa te ndizet pak, jini te humbur fare. Lum atá, qe kane besím me Zotin.

PSALMI 3.

O Zot, sa u-shumuan atá, qe me shtrengojne! Shume veta jane ngritur kunder meje. Shume veta thone qe s' ka shpetím per mua nga Perendia. Po ti, o Zot, je mprojtja ime, lavdia ime dhe

mburrja ime. E thirra Zotin me zerin tim, edhe me degjój nga mali i shenjte. Une rashe, dhe fjeta; u-zgjova, se Zoti me ruan. Nuke do te trembem nga míjera njerës, qe me sulen perkunder e perqark. Ngrehu, o Zot, shpetome, o Perendia im; se ti i ke goditur gjithë armíqt' e mi ne nofull; ti ua ke thyer dhembet te paúdheve. Zoti eshte shpëtimi im, Zoti eshte bekimi i pópullit. Une rashe, dhe fjeta; u-zgjova, se Zoti me ruan.

Lavdí Atit e Birit edhe Shpirtit Shenjt, taní e perhere dhe ne jetet e jéteve. Amín. Alilluja (3 here). Meshiró, o Zot (3 here). Lavdí Atit e Birit edhe Shpirtit Shenjt, taní e perhere dhe ne jetet e jéteve. Amín.

PSALMI 4.

Degjome kur te therrés, o Perendí i drejtesise; jam ne shtrengice te madhe; kij meshire per mua, dhe degjoma lutjen. O bij te njéresve, gjer kur do ta hithni lavdine time ne balte? Gjer kur do te doni madheshtí dhe grabitje? Msoni se Zoti e ka shenuar besnikun per veten e tij, se Zoti do me degjonje, kur ta therrés. Rúaju, dhe mos mekató; keshillohu me zemren tende naten, dhe rri urte; blató therore drejtesie, dhe kij besím me Zotin. Shume thone se kush munt te na benje nonjë te mire. O Zot, tregoje driten e fytyres sate mi né, se ti na e ke gezuar zemren mé teper se atyre, qe u shtohet gruri dhe vera. Pra, do te bie, dhe do te fle i qete, se ti, o Zot, me ruan, dhe me shigurón.

PSALMI 5.

Ver-u veshin fjáleve te mia, ver-i re mejtimet e mia, o Zot. Degjoma klithmen, o Mbreti im dhe Perendia im, se ty po te lutem. Degjoma zerin ne mengjés, o Zot, se qe me nate po i ngre syte perpjete, dhe po falem perpara teje. Se ty, o Perendí, nuke te pelqén ligesia, dhe nuk e durón prapesine; se nuk i sheh dot me sy te çmendurit, edhe i urrén atá, qe veperojne padrejtesí; se do ti çkaterrósh grabítesit, genjeshtaret edhe gjakataret. Po une do te vinj ne shenjteroren tende pas meshires sate, dhe do te falem me frike perpara témpullit tent. Prirne, o Zot, ne drejtesine tende neper armíqt' e mi; drejtesoje udhen perpara meje. Se s' ka besc ne goje te tyre; zemra e tyre eshte ligesia vete; gurmazi i tyre eshte varr i hapur, ndónese me gjuhen e tyre bejne lajka. Çkaterroji, o Perendí; permbys-i me gjithë pllanet e tyre; hidh-i tutje sipas paudhesive te tyre; se kane ngritur krye kunder teje. Dhe le te gczohen gjithë atá, qe te kane besím; le te brohoritin, se ti i mpron; le te ngazellohen atá, qe duan emrin tent. Se ti, o Zot, do ti bekósh te drejtet, edhe do ti peshtjellesh me te mira si me mburonje.

PSALMI 6.

O Zot, mos me qertó ne zemerimin tent, edhe mos me mundó ne merine tende. Kij meshire per mua, o Zot, se jam i pafuqishim; shrome, o Zot, se me jane thyer eshtrat. Shpirti m' u-trubullua

keq; o Zot, gjer kur? Kthehu, o Zot, edhe çliroma shpirtin, edhe shpëtoje pas meshires sate. Se kush do të kujtonje pas vdekjes, edhe kush do të lavderonje në varr? Jam lodhur nga psherëtimet, se tërë naten e shkonj me qarje, dhe shtrati im është i mbytur nga lotet. Syri im u-shua prej hidherimit, se më kanë mplakur armiq' e mi. Largohuni prej meje ju, që veperoni padrejtësi, se Zoti e degjë qarjen time; Zoti e priti faljen time. U-turpërofshin, dhe u-shofshin gjithë armiq' e mi; u-kthefshin prapa me faqe të zeze përnjeherësh.

Lavdi Atit e Birit edhe Shpirtit Shenjt, tani e përherë dhe në jetet e jeteve. Amin. Alilluja, alilluja, alilluja, lavdi me ty, o Perëndi (3 here). O Zot, o shpresa jonë, lavdi me ty.

Pastaj Dhjaku qendrón përpara Kores së Shen Marisë, dhe thote Litaninë e Vogel:

DHJAKU: Përseri dhe përseri, më paqe le të lútemi Zotit.

KORI: Meshiró, o Zot.

DHJAKU: Përkrahna, shpëtona, meshirona dhe rúajna, o Perëndi, më hirin tent.

KORI: Meshiró, o Zot.

DHJAKU: Tërshenjten, të pacinúaren, të permibekúaren, të lavderúaren, Kryezonjen tonë, Hyjlíndesen dhe gjithënjé Virgjërëshen Marí dyke kujtuar me gjithë Shenjtoret, veten tonë dhe njerjatrín dhe tërë jeten tonë Krishtit Përcn-

dí le tja pranojmë.

KORI: Ty, o Zot.

PRIFTI: Se jotja është lartmadhësia, dhe jotja është Mbretëria dhe fuqia dhe lavdia, e Atit e Birit edhe Shpirtit Shenjt, tani e përherë dhe në jetet e jeteve.

KORI: Amin.

Pastaj këndohen Thirrtoret. Në këtë mes, Dhjaku e temjanís Alltarín, pastaj del nga dera e veriut, qendrón përpara Deres së Bukur, e temjanís tërë Ikonostasin, dhe pastaj tërë Kishen:

PSALMI 141.

Ty o Zot, të thirra në mëngjës; degjoma lutjen, degjoma lutjen, shpejt o Zot. Ty o Zot, të thirra në mëngjës; degjoma lutjen, ver-i veshin zërit të lutjes sime. Ja ku të therrës që në mëngjës; degjoma lutjen, shpejt o Zot.

Le të drejtohet posi temjani, lutja ime sot, përpara teje; dúart' i ngre përpjetë, për mbre më si për kurbán; degjoma lutjen, shpejt o Zot.

Ver një rojë në gojen time, o Zot; mbyll-e derën e búzeve të mia.

Mos më prir zemrën në vepra të keqia më njëres të paudhë.

Mos më ler të há nga gjellet e zgjédhura të tyre.

Kur më godit i drejti, më ben të mirë; kur më qertón, më lyen më vaj të ndriçim, që më përkëdhél koken.

Do te lutem për atá, kur të ndodhen nër hidhë-
rime, kur të hidhen gjykátesit e tyre nër gu-
rishta.

Do të degjojne fjale të émbela prej meje, kur
pamenda çkaterrón, edhe përndán eshtrat e vá-
rreve.

Po i ngre sytë me ty, o Zot, o Perendí; me ty
kam shpresë; mos ma lër shpirtin të shkretë.

Ruaj-me nga kurthi dhe nga grackat e të paú-
dheve.

Le të bien të pabesët nër rjetat e tyre, dhe unë
le të shpëtónj i pangarë.

E thirra Zotin me zërin tim; me zërin tim i jam
lutur Zotit.

Do ta derth ankesën përpara tij; do ta çfaq hi-
dherimin përpara tij.

Kur m' u-zu fryma në kraherór, ahëre more
vesh në cilën patekë po vozitnja.

Në udhën, ku barisnja, më kishin venë kurth
me të pabesë.

Shikonja më të djathtë' e më të mëngjer, po nu-
kë më njohu as njerí.

Nukë kishte asnjë perikje për mua; nukë kish-
te njerí, që të kujdesej për shpirtin tim.

Thirra më ty, o Zot, edhe thasë: Ti je shpresa
ime, ti je streha ime në token e të gjálleve.

Degjoma thirrjen, se kam rënë shumë poshtë.

Shpëtome prej atyre, që më ndjekin, se janë më
të fortë se unë.

Pastáj kendohen Troparet me këtë Vargje:

Çliroma shpirtin prej burgut, që ta lavderónj
emrin tënt.

Të drejtët do më rethojnë, se do më bekósh me
të mira.

Prej thellesírave thirra më ty, o Zot; o Zot, de-
gjoma zërin.

Ver-i veshin zërit të lutjes sime.

Po ti vesh re paudhësitë, kush munt të qendro-
një përpara teje, o Zot? Po pranë teje është
ndjesa.

Jam dyke pritur Zotin, dhe shpirti im ka shpre-
së në fjalën e tij.

Që në mëngjës gjer mbrémame le të shpërenjë
Israeli më Zotin.

Se Zoti ka mëshirë, dhe aý do ta çpërblenjë Is-
raelin nga të gjitha paudhësitë.

Lavderójeni Zotin, gjithë kombët; lavderójeni,
gjithë pópujtë.

Se ka patur mëshirë të madhe për né, dhe e ver-
teta e Zotit mbreterón për jetë.

Lavdí Atit e Birit edhe Shpirtit Shenjt. Taní e
përherë dhe në jetët e jéteve. Amín.

*Në këtë mes, behet Hyrja e Vogel keshtú: Pifti dhe
Dhjaku dalin nga dera e veriut, Dhjaku më Temjanicën
dhe më manalin përpara, dhe Pifti pas, dhe qendrojnë
përpara Deres së Bukur. Dhjaku ben shenjen e Kryqit më
Temjanicën, dhe thotë më ze të unjur: "Bekó, o Ate, hyr-
jen e shenjtë." Pifti e bekón, dhe thotë më ze të unjur:
"E bekuar është hyrja e Shenjterores sate, gjithënjë, taní
e përherë dhe në jetët e jéteve." Dhjaku thotë më ze të*

unjur: "Amín." Pastáj shkon perpara Priftit, edhe thote me ze te larte:

DHJAKU: Urtesí, o te drejte.

Pastáj Prifti dhe Dhjaku hyjne ne Shenjteroren, dhe Dhjaku temjanís Alltarin.

KORI: Drite gazmore e lavdisë qellore, Jesú Krisht, si arrime perendimin e díellit, edhe pame driten e mbremes, hymnojmë Atin e Birin edhe Shpirtin Shenjt, se te ka hie kenga kurdohere, o i Bir i Perendise, qe fal jeten, perandáj te lavderón e tere bota.

DHJAKU: Parevargu i mbremes.

KORI: Zoti mbretérój, u-vesh me madheshtí.

Pastáj Dhjaku thote Litanime e Gjere:

DHJAKU: Le te thomi te gjithë me tere shpirtin tone dhe me tere mendjen tone, le te thomi.

KORI: Meshiró, o Zot (3 here).

DHJAKU: O Zot i terefugishim, Perendí i Aterve tane, te lútemi, degjó dhe meshiró.

KORI: Meshiró, o Zot (3 here).

DHJAKU: Meshirona, o Perendí, pas meshires sate se madhe, te lútemi, degjó dhe meshiró.

KORI: Meshiró, o Zot (3 here).

DHJAKU: Lútemi edhe per Kryepeshkopin tone (aksh), dhe per tere Vellazerine tone me Krishtin.

KORI: Meshiró, o Zot (3 here).

DHJAKU: Lútemi edhe per Presidentin e Shtéteve te Bashkúara te Amerikes edhe per ushterine dhe aniesine amerikane.

KORI: Meshiró, o Zot (3 here).

DHJAKU: Lútemi edhe per themeltaret e lumur te kesáj Kishe se shenjte, per vellézerit edhe áterit tane dhe per gjithë te Krishteret besemire, qe prehen ketú dhe kudó.

KORI: Meshiró, o Zot (3 here).

DHJAKU: Lútemi edhe per meshiren, jeten, paqen, shendetin, shpetimin, veshtrimin edhe ndjesen e mekátave te sherbetóreve te Perendise (aksh).

KORI: Meshiró, o Zot (3 here).

DHJAKU: Lútemi edhe per kujdestaret, famulltaret, perkráhesit, mirebéresit, punetoret edhe kendónjesit e kesáj Kishe se shenjte dhe per pópullin, qe rri rotull, edhe pret meshiren e pasur dhe te madhe prej teje.

KORI: Meshiró, o Zot (3 here).

PRIFTI: Se ti je Perendí meshireplót e njeridashes, dhe ty te dergojme lavdí, Atit e Birit edhe Shpirtit Shenjt, taní e perhere dhe ne jetet e jéteve.

KORI: Amín.

PRELLATI: Vleresona, o Zot, keté dite te rúhemi pa nonjé mekát. I bekuar je, o Zot, o Perendí i Aterve tane, dhe emri yt esht i kenduar dhe i lav-

deruar per jete. Amín. Le te jete, o Zot, perdellimi yt mi né, sikunder kemi shpresuar mi ty. I bekuar je, o Zot, mesme te drejtat e tua (3 here). Ty te ka hie levdata, ty te ka hie kenga, ty te ka hie lavdia, Atit e Birit edhe Shpirtit Shenjt, taní e perhere dhe ne jetet e jeteve. Amín.

Pastáj thuhet Litania e Gjate:

DHJAKU: Le tja mbarojme lutjen tone mbremesore Zotit.

KORI: Meshiró, o Zot.

DHJAKU: Mbremen te tere te mbare, te shenjte, te paqme dhe te pamekatme, Zotit le ti lypim.

KORI: Falna, o Zot.

DHJAKU: Engjell páqeje, udhcheqes besnik, rúajtes te shpírteve dhe te trúpeve tona, Zotit le ti lypim.

KORI: Falna, o Zot.

DHJAKU: Ndjesë dhe falje te fájeve dhe te mekátave tona, Zotit le ti lypim.

KORI: Falna, o Zot.

DHJAKU: Te mirat e te dobishmet per shpirtet tona dhe paqe per boten, Zotit le ti lypim.

KORI: Falna, o Zot.

DHJAKU: Qe ta shkojme kohen e mbetur te jetes sone me paqe dhe me pendím, Zotit le ti lypim.

KORI: Falna, o Zot.

DHJAKU: Mbarím te Krishtere, paqesór dhe faqebardhe te jetes sone, dhe mprojtje te mire perpara Gjykatores se trémpshime te Krishtit, le ti lypim.

KORI: Falna, o Zot.

DHJAKU: Tereshenjten, te pacinúaren, te permibekúaren, te lavderúaren, Kryezonjen tone, Hyjlíndesen, dhe gjithenjé Virgjereshen Marí dyke kujtuar me gjithë Shenjtoret, veten tone dhe njerjatrín dhe tere jeten tone Krishtit Perendí le tja pranojme.

KORI: Ty, o Zot.

PRIFTI: Se ti je Perendí meshireplót e njeridashes, dhe ty te dergojme lavdí, Atit e Birit edhe Shpirtit Shenjt, taní e perhere dhe ne jetet e jeteve.

KORI: Amín.

PRIFTI: Paqe te gjítheve.

KORI: Dhe me frymen tende.

DHJAKU: Kreret tona Zotit le tja unjim.

KORI: Ty, o Zot.

PRIFTI: Qoftë e bekuar dhe e lavderuar Mbretëria jote, e Atit e Birit edhe Shpirtit Shenjt, taní e perhere dhe ne jetet e jeteve.

KORI: Amín.

Pastáj thuhet Pasvargjet edhe Tropari i Simeonit:

Taní perleshoje sherbetorin tent, o Zot, me paqe pas fjales sate, se syt' e mi pane shpetimin

tent, që përgatite përpara faqes së gjithë popujve, dritë për të ndriçuar paganët, edhe lavdi për popullin tënt Israhël.

KENDONJESI: Shenjt Perëndi, Shenjt i fuqishim, Shenjt i pavdekur, meshirona (3 here).

Lavdi Atit e Birit edhe Shpirtit Shenjt, tani e përherë dhe në jetët e jeteve. Amin.

Trini e tërështjete, meshirona; o Zot, hirsoji mëkatat tona; o Kryezot, fal-i paudhësite tona; o i Shenjtë veshtroji, dhe sheroji sëmundjet tona për emrin tënt. Meshiró, o Zot (3 here).

Ati ynë, që je në qell, u-shenjteroftë emri yt; arthtë Mbretëria jote si në qell edhe mi dhë; buken tonë të përditëme ëpnaje neve sot; edhe falnaji fajet, sikunder edhe në ua falim fajtoreve tana; edhe mos na shtjer në ngasje, po shpetona nga i ligu.

PRIFTI: Se jotja është Mbretëria dhe fuqia dhe lavdia, e Atit e Birit edhe Shpirtit Shenjt, tani e përherë dhe në jetët e jeteve.

KORI: Amin.

Pastaj këndohen Troparet e ditës dhe të Shenjtit.

PRIFTI: Bekimi dhe meshira e Zotit arthtë mi ju pas hirit edhe njeridashjes së tij, gjithënjë, tani e përherë dhe në jetët e jeteve.

KORI: Amin.

PRIFTI: Lavdi më ty, o Perëndia ynë, lavdi më ty.

KORI: Lavdi Atit e Birit edhe Shpirtit Shenjt, tani e përherë dhe në jetët e jeteve. Amin. Meshiró, o Zot (3 here). Bekó, o Atë.

Pastaj behet Perleshimi i Shkurter:

PRIFTI: Krishti, Perëndia ynë i vertetë, me nërmjetimet e Shen Marisë dhe të gjithë Shenjtoreve, na meshiroftë, dhe na shpetoftë si i mirë dhe njeridashes.

KORI: Amin.